



無量壽經鈔卷第一

盡轉法輪相

或說人唐之師名考  
云今考所居可核右

望西樓沙門

了慧述

西琳寺下

南無釋迦牟尼佛

南無阿彌陀佛

將釋此經略開三門一明大意二釋題名三解經文第一中四一教起所因二所說大猷三宗體定判四藏教所攝

初教起所因者如般舟讚云或漸或頓明空有根性利者皆蒙益鉢根無智難開悟万劫

修功實難續一時煩惱百千間若待娑婆證  
法忍六道恒沙劫未期驗此貪瞋火燒苦不  
如走入弥陀國比是故釋迦悲憐重障而說  
此經以勸往生遙潤遐代矣

二所說大願者所說雖多不出七門即如疏  
云四十八願願皆發增上勝因依因起於  
勝行依行感於勝果依果感成勝報依報感  
成極樂經卷竟依樂顯通悲化依於悲化顯開  
智慧之門宗竟又云如大經說一切善惡凡

夫得生者莫不皆乘阿彌陀佛大願業力爲  
增上緣比問依智慧門可顯悲化今何逆次  
答若約自證實無前後若約化他以攝凡聖  
即知佛有五智勝德依此義故智在後也

三宗體定判者一切諸經各有宗體此經宗  
體諸師異解元曉師云淨土因果爲其宗體  
玄一師云淨土因果爲宗如嚮師者名号爲  
體今準宗家念佛爲宗往生爲體一經所尊  
在念佛故謂雖諸行各得往生弥陀本願唯

取念佛聖衆來迎雖通方機三輩廢立別立  
稱名釋尊付屬百歲特留亦是名号是故爲  
宗宗等所趣唯在往生故爲經體

教四藏藏所攝者藏謂二藏一聲聞藏亦名小  
乘亦曰半教二菩薩藏亦名大乘亦曰滿教  
教謂二教一者漸教二者頓教藏教之義具  
如玄義及傳通記云此經何攝宗家判曰觀  
經弥陀經等說即是頓教菩薩藏上所言等  
者擧取此經又黑谷云天台真言皆雖名頓

教斷惑證理故猶是漸教也雖未斷惑出過  
途三界之長迷故此教名爲頓中頓也上問據  
得益相判經大小如台宗云但觀諸經會末  
得道即識所說部別之異上然此經中亦有  
小益何故但攝菩薩藏耶答此經所說專在  
弥陀因果攝生所說大故亦有大益何直小  
乘但小益者如淨影云聞說娑婆穢惡可厭  
深心厭離故得小果釋興同之聞所厭法還發宿  
習且證小果例如無量義經時聞所開權法

即得小益雖有小益彼既一乘此亦可然問  
餘衆亦聞所厭之法何不證中小答大小二機  
俱皆雖聞穢惡可厭小機厭惡而證小果然  
而亦非不解大乘例如台宗解圓行漸大機  
哀厭發度生心是則機性各別故也上來第  
一釋大意竟

第二釋題名者此亦爲二先釋經題次辯譯  
人初釋題者諸經題目所立不同謂於人法  
喻事時處有單複故今此經題就人立名所

謂佛者能說之人此土教主無二佛故舉於  
通号而顯釋迦無量壽者所說之人其人非  
一故舉別号以簡他佛然經文中廣說所行  
所能含所故名無量壽也是能行能成能攝等人舉  
如疏及記云卷者書貌上者卷始次辯譯人  
者此經總有十二代譯且依開元釋教錄者  
第一後漢桓靈帝代後桓帝建和二年戊子至靈帝建寧三年庚戌  
二十餘年間安息國沙門安清字世高譯名無量

~~壽經~~二卷見別錄

內典、錄貞元錄

第二同桓

~~靈代~~

後哲帝建和元年至靈帝中平三年間名

月支國沙門支婁

迦識於洛陽譯名無量清淨平等覺經亦直名無量清淨經見吳錄也

內典、貞元、刊定、初出

~~第三吳代~~

李氏也、月支國優婆塞支謙字恭明一名

越大譯名阿彌陀經

說二十四部、二卷內題云佛說諸佛

阿彌陀三耶三佛薩樓佛檀過度人道經亦

名無量壽經見竺道祖錄僧祐錄也

內典、貞元、同之

刊定錄、中以內題為別經名僧鑑譯

第四曹魏代印度沙門康

~~僧鎧以嘉平四年壬申~~

內典、刊定、同、云齊王世嘉平年

於

洛陽白馬寺譯名無量壽經二卷見竺道祖

晉世雜錄寶唱錄也

說孚、前、內典、貞元、刊定、同之

第五同代

高貴鄉公世、內典、云前、魏

西域沙門白延以甘露

三年戊寅

古今譯經圖記云丁丑

於洛陽白馬寺譯名

無量清淨平等覺經二卷見竺道祖晉世雜

錄僧祐錄也

內典、貞元、刊定、同之

第六

西晉代

亦云北晉、云第十三譯別定云第二

沙門竺曇摩羅蜜晉言法護以

永嘉二年正月二十一日

內典云懷帝、譯名世永嘉年

無量壽經二卷見坐道祖僧祐錄也

衆經目錄內典

貞元刊定同之但

第七東晉代西域沙門竺

法力以秦帝元熙元年己未二月譯名無量壽至真等正覺經二卷一名樂佛士樂經一

名極樂佛士經見釋正度錄也

內典貞元圖記刊定同之

但內典云第六出

第八同代迦維衛羅國

內典云北天竺

沙

門佛陀跋陀羅音言覺賢

甘露飯王苗裏

以宋永初

二年於道場寺譯名新無量壽經二卷見僧祐寶唱錄也

內典圖記貞元刊定同之第九宋代內典云

世

涼州沙門寶雲以永初二年於道場寺出一  
錄云六合山寺譯名新無量壽經二卷見道  
慧僧祐錄也

內典貞元刊定同之

第十一同代

罽賓國沙門曇摩多宋言法秀元嘉年

中祇洹寺譯名新無量壽經二卷見真寂

寺錄也

貞元刊定同之

第十一大唐代南印度菩提提流志本名達磨流支唐言法希天后改爲菩

提流志唐云覺愛譯寶積經

神龍二年創首光天二年功畢

此經一部一百二十卷單重新舊合譯四十

九會於中折取二十六會三十九卷爲流志  
新譯餘二十三會八十一卷並是舊譯同編  
入之新譯之中第五無量壽如來會二卷即  
是此經同本異譯貞元上來並依開元錄也  
計三十部  
太宗皇帝  
第十二大宋代西天沙門法賢譯名大乘無  
量壽莊嚴經三卷見樂邦文類此中迦讖支  
謙僧鎧流志法賢五本見在餘七闕本今所  
釋者僧鎧本也問燁興云魏時帛延題無量  
清淨平等覺經之号已然彼疏中引帛延本

知非闕本荅興釋未了開元等錄皆以延本  
爲闕本故問天台觀經疏云大本二卷晉求  
嘉年中竺法護譯已然彼十疑所引經文大  
同此本加之憃興大經疏云今西晉法護名  
無量壽經乃至欲釋法護經本已何云鎧本荅  
天台所指年号既異知非此本故樂邦文類  
一云佛說無量壽經一部二卷曹魏三藏康  
僧鎧譯此經更有晉永嘉年中竺法護所譯  
之本藏經中今缺天台觀經疏所指大本即

法護所譯也已但十疑所引非是全同何必  
此本或觀經疏指法護經十疑論中引僧鎧  
譯故十疑云如無量壽經註曰曹魏朝天竺  
三藏彌度僧鎧譯上或彼兩譯文言同歟例如  
真諦摩多兩譯之起信論文言全同但註誤  
也然顯要記會天台云即今文言法護譯之  
者蓋是隋朝目錄誤故云法護譯法護不譯  
此經淨業記此義未了違諸錄故天台可詳  
經錄誤故次懶興釋恐亦未了所釋經本全

同鎧譯然云護譯亦違諸錄謂開元等皆以  
護譯爲闕本故曹魏者即前魏也大康內典  
錄二云前魏朝曹氏資持記云曹即帝姓魏  
是國号爲有後魏相盪故加姓簡之上後漢  
之後有魏蜀吳三國相並魏爲正統是名前  
魏又兩晉後東晉有後魏故揀之云晉僧鎧  
等者古今譯經圖記云沙門僧鎧者印度人  
也廣學群經義暢幽旨以嘉平四年壬申於  
洛陽白馬寺譯郁伽長者所問經一卷無量

壽經二卷開元同之錄譯者大論云譯者釋也兩

資

和合賢鉢

山

云譯易也謂變易梵語以成華言周

禮堂四方之語各有官北方曰譯但漢世多

以北狄交通譯人兼善西語是時佛法西來

遂使譯人翻之因是佛經咸稱譯也上來

## 第二 指釋名竟

第三解經文者此經始終大分爲三一從我聞如是下至願樂欲聞已來明其序分二從佛告阿難乃往過去下至略說之耳已來明

正宗分三從佛語彌勒其有得聞下至摩不歡喜已來明流通分淨影嘉祥義寂同今牒正宗朱佑玄一阿難諦聽下為正宗流通皆同問懼興舉二師義破中初當法位次當淨影破次師云阿難申請若發起佛答阿難應非正宗若答正宗問必非序故檢諸經論答名正說必兼其問此破何救答問則起宗必是由序答陳旨趣定在正宗京師天台觀經分科即其例也何滯問答一雙義邊而忌能起所起別耶

大文第一明序分中大分爲二一證信序我聞如是一句是也二發起序一時已下諸文是也然如天台嘉祥等者依法華論以六成就爲證信序五蘆金經疏  
宋密云一信  
處六衆六緣不具教則不興必須具六故如淨影者一時已下義有兩兼若云成就意未盡取本事發起之事則爲發起阿難引來證成可信名爲證信今準宗家事下太  
聲聞等文一時已下可是發起况乎淨影雖云兩兼正釋文中存一邊義故彼疏云一時已下義雖兩兼對

前一向證信序故自下偏就發起以釋上初證信序者我聞兩字名之爲證即指阿難是聞成就如是兩字以之爲信即指佛經是信成就阿難成證令人信經此之證信成傳經由故名爲序淨影善導全家由致名序不同天台放光六瑞別名由序問餘經多云如是我聞全何不答孟蘭龕經及般舟經云聞如是又溫室經全如今經此乃譯者隨宜安立無別意趣故義寂云翻者譯殊於義無殊上但

彭

重刊金經疏

我言有無者如宋密云又無我者意影聖人  
皆證無我餘經有者即阿難自指五蘊假者  
不同情計之我亦無過也上淨影牒云如是  
我聞蓋是經本不同而已

二發起序中亦分爲五初一時者明其說時  
時成就也次言佛者明其教主主成就也三  
住王下明其說處處成就也四與大下明其  
徒衆衆成就也五余時世尊諸根悅豫下正  
明發起如來說法必託時處說不孤設定有

機緣淨機既熟佛現悅豫悅豫超常何不恠  
問故名發起初說時者問三經說時前後如  
何答異義不同塵公意小經跋云準道理者大  
前觀後先說令知後修生業故以事推者觀  
前六後異譯經云阿闍世王太子聞說二十  
四願故雜有未判兩義龍興朋後更加證據會違  
文云如和休經阿闍世王太子名曰和休乃至  
此經文意父子別舉前所難大王慎莫害母  
者有其二義雖未登位而欲殺父幽閉深獄

自在執政故稱大王復欲禁害母懇意故稱  
大王令發放心上玄一朋前破龍興云此解  
不尅說兩卷經方有四十八願然觀經云亦  
爲說四十八願故知先說兩卷然言王者頗  
波沙羅移於寒林政付太子太子執政故言  
爲王如大乘基法師法華記又閑父王勢力  
自在雖是太子亦名爲王上迦才亦云大前  
觀後今依黑谷觀經私記亦大爲前載多文理定判前  
後具如彼記今引一證即大經云阿難白佛

法藏菩薩爲已成佛而取滅度爲未成佛爲  
全現在上文證雖多此文最要大若後者說  
觀經時阿難既聞阿彌陀佛去此不遠等之  
說竟何故今致成不等問當知大前加之宗  
家抑止攝取亦其證也具如宗要小經第三  
諸師亦同二教主者即指釋迦梵云佛陀此  
名爲覺具如疏釋云又宋蜜云一自覺我空  
揀異凡夫二覺他法空揀異二乘三覺滿俱  
空合本覺名究竟覺至揀異菩薩上三說處

大論云  
春闋名  
靈鷲山

中王舍城者王舍因緣如疏及記云問王舍  
城者爲上第城爲寒林城答上古異義如傳  
通記云私云若依宗家應是上第免燒猶在  
本城故也耆闍崛山者如法影云此翻名爲  
靈鷲山也多有仙靈居住此山并有鷲鳥遊  
集此山名靈鷲山亦翻名爲鷲頭山也以諸  
鷲鳥居此山頂名鷲頭山又此山頂像似鷲  
頭名鷲頭山上已第十九卷西域記云姑栗陀羅矩咤山  
唐言鷲峯亦謂鷲臺按舊日耆闍崛山詭也按此山之陽孤標特起  
北北山城  
標

既棲鷲鳥又類高臺空翠桐映濃淡分色如  
來御世垂五十年多居此山廣說妙法頻毗  
婆羅王爲聞法故興發人徒自山麓至峯岑  
躋谷凌巖編石爲階廣十餘步長五六里中  
路有二小率堵波一謂下乘即王至此徒行  
以進一謂退凡即簡凡人不合同往已四徒  
衆中亦分爲二初明聲聞衆次與大乘下明  
菩薩衆初丈亦四先揔標次一切下揔嘆三  
其名下別列四皆如下別結初丈中万二千

者。問覺經云。千二百五十人莊嚴經云。三萬二千相違如何。答覺經別覺本外道類。今經總列一切聖者。莊嚴亦余此是譯者意樂不同。次文中大聖神通等者悉證無學故云大聖同得六通故稱已達。問此中阿難未證無學亦無六通。答約多分故有妙德故故准影云。阿難雖在學地未名神通已達從多以嘆又云雖居學地而成無量勝妙功德故曰大聖於神通中解了畢竟亦名已達又義寂云。

得小果已趣大菩提故名大聖。上此釋無過流通文云諸大聲聞聞佛所說靡不歡喜已既聞此經一乘歡喜豈非趣大爲顯此德名大聖耳。問次下文云大乘菩薩既有能別知聲聞衆非大乘機答從本不名大問此經法華已前之說何有聲聞趣大義耶如法華云所以未曾說說時未至故又補行云遍尋法華已前諸教實無二乘作佛之文已答機然一圓法捨方便顯露記小實在法華然而又

爲一機一線明小入實。尔前非無故。楞伽經云。諸聲聞禁依無餘涅槃而與授記。方等陀羅尼經云。五百聲聞各當作佛。同名寶月。如來。上已故妙樂判。云。今之法華是顯露記不同。方華隱密與記若據斯理淨名大品皆應有之。何獨楞伽。上已釋迦一代化儀雖然。弥陀本願從昔已來。攝小入大。非適今也。次別列中其名曰。者流至下之三十一人尊者。了本際者淨影。云有德可尊。故曰尊者。了本際者是。

憍陳如。憍陳如姓阿若。是字阿之言。無若之言。知證無成知。故曰無知無。是一切諸法本性。名爲本際。於此本際。知見明了。名了本際。餘者經中或有曾聞。有不曾聞。上已覺經譯名知本際。名異義同。大英經中名爲拘輪。毗耶婆問經云。阿若居隣法華涅槃最勝王等。名爲。阿若憍陳如。是梵語輕重嘉祥云。迦葉佛遺法住世。同伴九人。方覺無常。共求出家入山學道。四人根利則悟。五人根鈍。不悟便共。

擔願吾於釋迦法中要先悟道以此擔故共  
佛俱生佛既出家父王遣國中貴族同伴五  
人隨侍太子入山不肯入山隱在鹿苑佛初  
成道則爲說法由是最初得道也五人者一  
名陳如二阿葉鞞三訶男四婆提五婆敷此  
但出陳如一人已佛於鹿苑爲五比丘初轉  
法輪陳如得初果餘四猶在順決擇分義寂  
云問餘四人中誰先得道答曇無德說阿瀟  
卑摩訶男二人次得婆提婆敷後乃得也上

正願者嘉祥云本期出家得道故義寂云應  
是跋提釋興同之正語者祥云口無四過故寂云  
應是婆頗興大云摩男上大号者祥云羨名遐  
布故寂云應是摩訶網興云離婆多也其人  
持不妄語因證鬼神諍以屍代身遂居王位  
德名令聞諸方故已仁賢者祥云德性軟和  
故寂云應是額鞞興大云謙云須滿曰內懷賢  
善外申慈仁故已離垢者祥云離破戒垢故  
興云淨除是也說本起云輪提陀掃淨寺舍

願令心無塵垢如寺故上名聞者祥云迦延  
解義名聞大故興云今依彼經本起夜那尊  
者梵行淨潔衆所見敬故上善實者祥云從  
內德彰名故興名美一作云即說本起長者凡耆年爲  
取善供養維衛佛塔已來九十一劫常生人  
天遂得阿羅漢故上具足者祥云從受戒表  
名興云樹提名因同祥牛王者法位云惱梵波提  
興師同之如事讚記云優樓等者此三迦葉如傳  
通記云摩訶迦葉等者已上四聖如事讚記

云大住者興云梵云摩訶迦多衍那此云大  
剪剃種男即波羅門姓上古多仙山中靜處  
年既掩夕鬚髮稍長無人爲剃婆羅門法行  
剃髮故一仙有子兄弟二人俱來觀父小者  
乃爲諸仙剃之諸仙願護復成仙貴余來此道  
種皆稱剪剃剃者身是男子威德特尊簡餘  
此種故云大剪剃種男古迦旃延此云繩扇  
訛也今云大住者亦襲昔之名母戀此子不  
肯改嫁如繩緊扇可謂住故上大淨志者祥

云從內定得名興云即說本起中賴咤和羅更無所樂志於清白法樂閑居第一故名大淨志上已周那者佐云周那者又云周陀此云不樂又云路生具足應言周利般特迦後名同如事讚記中卷二十一云滿願子者佐云本音云富樓那弥陀羅尼子上已如傳通記序合二十六云離障者祚云那律修天眼徹見障外故從爲名興云梵阿泥律陀此云滅今言離障意亦此謂也言阿覓樓陀訛也上已如事讚記中卷二十一云流灌者興云梵云

孫達羅難陀此云艷喜喜即自名艷是妻号欲簡牧牛難陀故因妻以表其名佛親弟大聖王之所生也惟衛佛世施煥浴室故端正大勢見之無厭今言流灌者亦襲彼之名也已亦如事讚記云堅伏者興云即應說本起中樹提故彼經云堅精進定意無爲無動故弗延亦云賢者了深定故上面王者興云梵云薄矩羅此云善容善容雖多以面爲先義故名面王上已如事讚記云異乘者興云弗延

云賢者氏戒聚戒行類萃故云異乘已上仁性  
者興云即應本起中尸利羅放彼經云施與  
錢財救諸貧窮濟衆下劣故已嘉樂者興云  
即本起中難陀名爲放樂支譏亦云難持正  
音即難陀此云喜本乃是救牛之人因問佛  
牧牛十一事知佛具一切智獲阿羅漢甚極  
聰明音聲純妙故今嘉樂者亦非正翻之也  
已善來者興云即支謙云賢老蔡揚本起外  
云貨謁淨傳云梵音莎揭哆譯爲善來來者

歸也來歸佛法有莫大利故云善來善來雖  
通千二百五十人名即總以立別号故已上  
善見  
集七云善來比丘其數有幾答曰剎有一千  
三百四十一人剎阿若憍陳如等五人剎復  
有一萬人俱人有一萬六千人復與  
羅云阿難等  
者如事讚記云法華文句一云正法念經明  
三阿難阿難陀此云歡喜持小乘藏阿難跋  
陀此云歡喜賢受持雜藏阿難婆伽此云歡  
喜海受持佛藏阿含經有典藏阿難持菩薩  
藏蓋指一人具於四德已準此文者今經阿

難當第三四此經即佛菩薩藏故三別結中上首等者指上所列三十聖問上總說中舉万二千嘆其高德今應結彼而名上首答上總標數大次別列三五爲顯所列即上首義有此結文若万二千爲上首者以誰爲下雖均大聖非無上下之殊而已二菩薩衆中大分爲三初列名次具諸下嘆德三如是下總結初文亦三先標次普賢下列三皆遵下結初文可知次列名文即有異說如淨影者

分爲二類一普賢等賢劫成佛菩薩二賢護華餘劫成佛菩薩法位同之三千佛名經云過去莊嚴劫千佛出世現在賢劫千佛出世未來星宿劫有千佛出世藥王藥上經同之今對賢劫星宿爲餘如義寂者分爲四類故彼記云一普賢妙德爲一類二慈氏華賢劫菩薩爲一類三賢護華十六正士爲一類四善思議等十四菩薩爲一類并有一千三十三也已推此師意普賢文殊或俱遍一切處或復可說

文與不可說普一雙義故爲一類歟又慈氏  
等依悲華經於賢劫中有千五佛而興出世  
謂寶海有一千弟子五人侍者其最長者在  
於東方袈裟幢國而已成佛餘千四人及寶  
海中釋迦已上四佛已出彌勒已下一千一  
人未成佛故今以慈氏而爲賢劫一類初歟  
又大論中標善守等十六菩薩而列六人在  
家菩薩其名全異今經善思等名故以全十  
四爲別類歟然爆興意雅分二類雖同淨影

分十六四同義寂意云今詳二師各有通塞  
謂淨影意初違悲華後順寶積違悲華者彼  
經中說無諍念王有千太子皆學王願悉擧  
淨土中成佛也取其三中普賢第八王子文殊  
第三豈穢土中賢劫佛耶又說寶海有千五  
人眷屬弟子皆學寶海穢土之願悉擧穢土  
賢劫成佛取意此中慈氏第四弟子唯此一人  
賢劫成佛何三菩薩同云現在賢劫佛耶順  
寶積者彼經說云又與賢護等十六丈夫衆

俱所謂善思議菩薩慧辯才菩薩觀無住菩薩善華神通菩薩光幢菩薩智上菩薩寂根菩薩慧願菩薩香象菩薩寶幢菩薩上既云所謂善思議等明知非是別類菩薩加之念佛三昧七日道場懺悔方法惠云一心奉請南無賢護菩薩善思議菩薩信慧菩薩空無菩薩神通華菩薩等十六正士及十方諸大菩薩摩訶薩已此釋符合寶積經耳次義寂意初順悲華後違寶積違順二義翻上應知

然懷興云有說賢護等十六正士者舉初拈移以總標善思議等者遂其所等以別列私  
釋此恐不然若善思議等即十六正士者應言十五正士不介標列有相違故設許此者亦違法華論云跋陀波羅等十六菩薩故善思議等與無盡意經中十六菩薩名異必不可言善思議等即十六正士乃至今即餘劫菩薩自有二類故賢護等十六正士即其一類也至善思議等十四菩薩即其二類也比

問二師所立豈無取捨答雖難取捨且由寂  
公但彼寶積其誤非一所謂四十九會之中  
編入般若部鳩殊師利會及以阿含部廣博  
仙人會是故玄奘破之屬謬然則彼文亦不  
正歟問若尔以何名十六耶答義寂云智度  
論云善守等十六菩薩是居家菩薩廻陀婆  
羅居士菩薩是王舍城舊人寶積王子菩薩  
是毗耶離國人皇德長者子菩薩是占波國  
人導師居士菩薩是舍衛國人那羅達婆羅

門菩薩是浮揚羅國人水天優婆塞菩薩且  
舉此六餘存略也上又法華科文慧云如思  
益經第一列十六名云跋陀波羅菩薩寶積  
菩薩皇明菩薩帝天菩薩水天菩薩善力菩  
薩大意菩薩殊勝意菩薩增意菩薩善根意  
菩薩不虛見菩薩不休息菩薩不少意菩薩  
導師菩薩日藏菩薩持地菩薩大論第十八  
云十六菩薩是居家菩薩皆是補處紹尊位  
者菩薩名字經論小異上普賢者義寂云亦

名，遍吉菩薩其德普遍無不賢吉故懷興云  
普者普遍即證真之智賢者即涉事之行內  
德普遍外化賢善故名普賢又台宗云居衆  
伏頂行遍華覺故云普住斷道終位隣大覺  
故名賢上妙德慈氏等者如事讚記云賢劫  
者華經云此佛世界當名娑婆<sub>乃至</sub>時有大  
劫名曰善賢何因緣故劫名善賢是大劫中  
乃有千世尊成就大悲出現於世釋迦讚云  
至此劫者名之曰賢以劫初時大水弥滿生  
中土行持

青蓮華其數一千第四禪天曾見往事便相  
告白言此世界有千佛現可因此時以爲賢  
劫上三結文中皆遵華者華嚴經第四十云  
普賢菩薩摩訶薩稱嘆如來勝功德已告諸  
菩薩言善男子如來功德假使十方一切諸  
佛經不可說不可說佛刹極微塵數劫相續  
演說不可窮盡若欲成就此功德門應修十  
種廣大行願何等爲十一者禮敬諸佛二者  
稱讚如來三者廣修供養四者懺除業障五

者隨喜功德六者請轉法輪七者請佛住世  
八者常隨佛學九者恒須衆生十者普皆迴  
向上已爲諸菩薩而發此願故皆遵之問看經  
文勢皆遵等句具德之由可屬嘆德何爲結  
文答此有異解義寂懶興俱屬嘆德淨影法  
位同攝列名於聲聞衆既有結文於菩薩衆  
何無結文然例餘文即有二意謂一準上結  
聲聞云皆如斯舉今亦容有以諸菩薩悉爲  
上首之意無量衆中別列之故二準觀經別

顯文殊高德位云而爲上首今文亦有別以  
普賢而爲上首之意謂以普賢爲其所遵以  
諸菩薩而爲能遵故也如法位云皆遵普賢  
者推其高德爲上首上又華嚴經云一切如  
來有長子彼名号曰普賢尊上既長子足  
爲上首二嘆德中爲二初嘆權實二德化他  
爲權自行名實次其所修行下嘆二利德初  
文亦三先就自分略嘆權實次入佛法下就  
勝進廣嘆權實三具足下結嘆權實問自分

勝進其義如何答菩薩當位內證外用名爲  
自分於菩薩位分具佛果內證外用是名勝  
進故淨影云依菩薩法修自分行乃至依佛法  
修勝進行上問勝進若約於因位者何故經  
云究竟彼岸究竟之言應佛果故答分之究  
竟而非極果菩薩德故初略嘆中亦分爲二  
先明實德次遊步下明其權德自行未立何  
能利他是故先實後權而已初文中行願者  
如淨影云行謂六度四攝等行願謂無量菩

提心願法位云行是六行願是十願如弘擔  
海慧經說知一切法得般若船值智慧風得  
善方便度一切人越大苦海得戒具足登涅  
槃山會無爲舍得法性身略抄千手經功德  
者如淨影云功謂功能諸行皆有利益之功  
故名爲功此功是其善行家德故名功德牒  
同之次文中遊步等者懷興云身化無尋無感  
不應故上權方便者如淨影云隨物所宜種  
種異現名權方便者如淨影云隨物所宜種

云權也二廣嘆中亦分爲二初明實功德次  
於無下明權功德初文入佛等者淨影云入  
佛法藏明因上昇如來藏中過恒沙法名佛  
法藏證會名入究竟彼岸彰異畢竟涅槃彼  
岸到名究竟慳興破云此恐不然如來藏即  
佛性義而言證會恒沙德法名因上昇者即  
違經云見佛性時得無上覺故若證佛性非  
菩提果至涅槃岸應非圓寂果故上破意有  
一謂證佛性名爲因者即違經中云得果故

一難若證佛性可名因者到涅槃岸亦可名  
因佛性涅槃同是理故俱證理性何一名因  
一名果耶二難此難實余但試救之雖同證  
理初入名因終極名果例如見道雖證諦理  
猶不名果但釋經中對未見時初入名果此  
有何過但未決定學者思擇慳興述自義云  
入者達解究竟證解知如實自利及事利他  
故云入佛法藏即法華中善入佛慧通達大  
智也彼岸者真理證此實性故云究竟即彼

經中到於彼岸也。比次文中二先揔明文處  
說下別說初文中於無量等者淨影云此嘆  
勝進故舉成佛爲權德耳。悞興云初地菩薩  
神通境界當百佛世界。況亦法雲菩薩化物  
世界可得稱數至乃。一一菩薩各於無量世界  
現化故。此師意許普賢等覺賢護等則法  
雲地故現成等者現謂示現分證成道非是  
實成故云現也。次別說中大分爲九。初明上  
天相次捨彼下明入胎相三從右下明出胎

相四示現下明童子相五遊於下明姨妻相  
六見老下明出家相七現五下明成道相八  
釋梵下明轉法輪相九示現下明入涅槃相  
學也  
始淨影者雖加住胎而爲十相今經無文義  
寂雖開往詣道場亦爲十相猶是成道之所  
攝也是故今依興師分文爲九相耳。問今此  
九相可攝八相答八相九相開合互異謂今  
童姨攝彼出胎降魔相攝今成道經文參  
雜故不別立起信論中加住胎相而除降魔

以爲八相初上天相中亦分爲二初句生天  
次句說法初文中兜率者新云覩史多天此  
翻知足亦云妙足或云喜足三世補處皆生  
此天問何故生彼答如大論云有人云因緣  
業熟應生是中復次下地結使厚濁上地結  
使利兜率天上結使不厚不利智慧安穩故  
過復次欲遇佛出世時故若於下地生命短壽  
終時但未出世若於上地生命長壽未盡復  
過佛出世兜率天壽與佛出世時相會故復

次佛常居中道故兜率天於六欲及梵之中  
上三下三於彼天下必生中國好中法故中  
天上生比淨影義寂依涅槃云上天闇鈍下  
天放逸彼無此過同第二義問第三之義其  
理不明所以者何如來出世隨機熟不長短  
不定故第十減唯一佛出第十五減九百九  
十四佛出世釋迦弥勒住天亦有長短不同  
若尔何故彼天定壽必可相稱佛出時耶何  
况覩率四千歲當叫喚地獄一日一夜然勘

彌勒住天之間經一增全一減少分若盡彼壽而下生者有以叫喚地獄一日而爲阿鼻一中劫量之過如何答龍樹所解豈無所以云但所難者上古先德求決異域今時愚侶何輒其義但賢哲義非無會釋謂明眼鈔第三云補處菩薩於彼天中數死數生故慈氏菩薩第九減劫百歲之時上生住一增劫第十減初下生中間非即同彼第四地獄一晝夜所以一增減劫極長也至真諦師云於彼

天中經多生死盡彼天壽雖不中夭除經多生惄是觀史多天生惄<sub>觀史之新譯</sub>登一生也問婆沙一百三十五云<sub>乃</sub>經於五十七俱胝六十百千歲慈氏如來應正等覺出現世時施作佛事又一百七十八云有說唯觀史多天壽量與菩薩成佛及瞻部洲人見佛業熟時分相稱謂人間經五十七俱胝六十百千歲<sub>云</sub>準此等文慈氏菩薩經五十七俱胝六十百千歲下生即觀史多天四千歲也<sub>乃</sub>至答五十七俱

脰六十百千歲且舉彼天一期壽分至時分蓋  
相稱者且依釋迦菩薩說也或彼有說非必  
正義也已上蓮華而計彼四千歲當此五十  
七億六百万歲也彼鈔又有二義欲知往見  
又彌勒經述贊懼云補處菩薩生於彼天雖無中夭受多生死乃至必盡四千歲然後  
命終元曉彌勒經次至機緣熟不難者數死  
數生多少雖在機熟遲速最後四千下生必  
當感佛時節大諭一解惑此意歟問若實受  
數多生死者何故諸文同說五十六億等耶

答若計多歲算數不及故且就彼一箇定壽  
與歲數也若不余者何故賢劫經說釋迦彌  
勒同逕五十六億等耶文說法文中弘宣等  
者義寂云普曜經云其兜率天有大天宮名  
曰高幢廣長二千五百六十里菩薩常坐爲  
諸天人敷演經典懷興云諸天子等百千拘  
脰那由他數大集法堂圍繞菩薩聽受所說  
無上大法斷諸煩惱生廣大心比二入胎相  
中二初句下天次句詫胎問以下天文可攝

初相答若依婆沙下天託胎合爲第二意云  
機已熟時始下人間託神母胎故攝第二若  
依天台補注七卷大部四教義七卷上天下天合爲初相意云欲下生時  
用四種觀如釋卷下如是觀已來下人間在天觀  
下故攝初相各據一義並不相違今且由論  
問入胎相有幾別耶答今考諸文略有九種  
一將下觀相二下天所因三處胎莊嚴四入  
胎形貌五入胎處所六入胎心慧七託胎時  
節八受胎所因九住胎說法一將下觀相者

義寂引毗婆沙云將下生時先觀四事一觀  
時分謂此人壽八万乃至百歲時也二觀處  
所謂贍部州中印度也三觀種姓謂刹帝利  
或波羅門四觀依器謂母胎藏寬博無失如  
是觀已告行道天汝可逕告覩率諸天却後  
七日菩薩此沒可生印度施作佛事行道天  
子歡喜遍告五百天子發下生願至第七日  
菩薩便與五百天子一時下生皆爲釋種助  
宣佛事當知此說釋迦菩薩若餘菩薩隨其

所應。二下天所因者。菩薩捨樂生閻浮者。  
爲救衆生人間衆生知此慈意生敬重心易  
受化故。淨影懼又義寂意云。依大般若第六  
分云。諸天計常謂無墮落爲破彼執示現無  
常捨天壽也。依毗婆沙從天來時有神變故。  
若從人來無此事故。又諸佛皆於人中成佛。  
能順彼故又人間即有厭離心故有猛智故。  
又爲欲俱攝入天機故謂若在天則人無往  
天可來故三處胎莊嚴者。懼興云胎莊嚴者。

一者宮殿謂諸欲天各持妙宮至父王所。父  
王亦爲菩薩造宮縱廣正等三百由旬。菩薩  
威力故令諸宮殿中悉現摩耶身右脇皆有  
菩薩而坐。諸天自謂菩薩之母將入胎時於  
母右脇先有此殿然後入胎。跏趺殿中。二者  
飲食謂入胎夜下從水際漏出蓮華穿過地  
轉上至梵世縱廣正等六十八洛。又由旬佛  
及菩薩大梵之外不能見之。甘露現華梵王  
取之盛瑠璃器奉上菩薩所有美味菩薩之

外不能食之取意略抄四入胎形貌者義寂云普  
曜經云菩薩問天我以何形而入母胎或天  
答曰儒童之形或曰釋梵形或曰金翅鳥時  
有梵天名曰強威象形第一謂兔馬象俱度  
水時象能盡底聲聞緣覺猶如兔馬唯菩薩  
象達底水底故現白象入母胎也大衆部等  
亦同此說有部不許俱舍論九十一劫捨傍生故然  
大乘中此旨示觀於義無過取意略抄俱舍論云  
菩薩中有如盛年時形量周圓具諸相好將

入胎時照百俱脰四大洲等若尔何故菩薩  
母夢中見白象子來入已右翻此吉瑞相非  
闡中有菩薩久捨傍生趣故已五入胎處所  
者婆沙論云從右脰入正知入胎於母母想  
無媢愛故復有說者從生門入諸胎卵生法  
應尔故俱舍同後義又正理論云又理實中有隨  
欲入胎非要生門無障擋故然由業力胎藏  
所拘光判云同婆沙前師寶云正理不同  
諸論六入胎心慧者義寂云衆生邪慧入

母胎菩薩正慧入母胎中陰住則知中陰歌  
羅邏時安浮陀時乃至出生時皆憶念不失  
是名正入胎復次人顛倒心生菩薩不余明  
識父母相續入胎略抄 七詫胎時節者釋迦譖  
云普曜經云以四月八日明星出時降神母  
胎上<sub>西域記</sub>云上座部意此方五月十五日  
降神母胎若依諸部五月八日續高僧傳同取意若依周書  
周第五帝熙王之代癸丑之歲七月十五日  
際本行 經異說如何如妙樂云佛生時節

涅槃住處身相說法諸部不同乃由見別不  
須和會比準之應知八受入所因者依俱舍論  
總有五益故受胎生一尊釋種論第八云  
親屬相因令入正法上二尊餘類論云今知  
菩薩是輪王種生恭敬心上三尊同類論云  
今所化生生增上心彼既是我能成大義我  
曹亦尔何爲不能上四止疑謗論云若不尔  
者族姓難知恐疑幻化爲天爲鬼乃至受胎  
生息諸疑謗上五後益者論云爲留身界故

受胎生令無量人及諸異類一興供養于返  
生天及證解脫上又淨影云卵濕卑劣故佛  
不生化生雖勝有多義故佛亦不生如涅槃  
釋具有八義一爲欲增同生力故同論第  
三義二  
生上族表法勝故三生王種假護法故四發  
教人敬父母故五生上族息物慢故六爲息  
物謗若佛化生謗言幻化非真實故同論第  
四義七爲留身益後世故同論第  
五義八同諸佛受胎  
生故略大同數雖十三義終歸十云九住胎

說法者憍與云菩薩處胎身相光明普遍世  
界四大天王夜叉大將與其眷屬釋提桓因  
與三十三天娑婆世界主大梵天王與無量  
梵衆如其次第晨朝中時申時爲聽法故皆  
見菩薩菩薩慰問爲其說法寶法師云處胎  
經說菩薩處胎亦轉法輪此爲密衆非爲顯  
衆上三出胎相中亦分爲五初明誕生次現  
行下明現身威三無量下明現奇瑞四舉聲  
下明現口威五釋梵下明衆歸仰摠而言之

佛母摩耶十月已滿到嵐毗<sup>尼</sup>蘭明星出時聖

右放光即以右手攀無憂樹東方之枝頻呻

神生云展舒四  
軀通暢之狀也

次咗直正而立從右脇生如

出雲霧母身安泰不假扶機十方七步

本起經意

蓮華承足光照地動一指指天一指

指地自而稱云天上天下唯我爲尊三界皆

本起經意

苦吾當安之九龍下水洗浴身體左溫右冷

即於尼蘭七日七夜人天奏樂以供尊顏三

瑞應經意

万二千波羅門等滿其所須梵釋上座演吉

祥讚經七日已生母命終即還王宮波闍波  
提爲養育主命三十二養母令養<sup>取釋迦譜</sup>

法苑序品科注

影惺興瑞應經本起經  
普曜經等意略而記之問釋迦菩薩何時誕

取釋迦譜淨會讚淨

生答十二遊經云四月八日明星出時生身

長一丈六尺<sup>准佛經釋迦</sup>

六之十

書同之西域記意或是此

方三月八日上座部則同十五日長阿含云

二月八日上二四不同如寶師會云或是見

別不須和會初誕生中右脇生者如淨影云

母人生處不淨彌弊佛爲異之故右脇生

法

同然彼老子從左腸生佛生異之如義寂云  
爲化衆生離左道故嘉祥云右是便欲明先  
權後實比今準釋迦而云右腸若餘菩薩生  
處不定故應胎經第二云我以右腸生汝弥  
勒從頂生上次身威中七步者嘉祥云觀行  
七步明過六道淮影云示現丈夫奮迅之力  
於十方界獨出無畏又義寂引華藏十事彼  
第八云現七覺法相故光明等者潔興云身  
光利物故彼經中菩薩放光乃至衆生遇者身

心安樂遠貪瞋癡離諸罪障上三現瑞中六  
種等者潔興云欲使魔怯伏也震者動也準  
長阿含六動有三一六時動謂入胎出胎出  
家成道轉法輪入涅槃今動者即出胎時二  
六方動謂東漏西沒西漏東沒南漏北沒北  
漏南沒中漏邊沒邊漏中沒三六相動謂動  
漏震擊吼爆搖颶不安爲動鱗隴凹凸爲漏  
隱隱有聲爲震有所扣打爲擊磕碎發響爲  
吼出聲驚異爲爆此各有三名十八相謂動

等極動餘五皆余此中六動局六相動故莊嚴經云六動有十八相上已十八相中舉三例餘具舉之者依採玄記一動二遍動三等遍動是四起五遍起六等遍起是七覺八遍覺九等遍覺三十震十一遍震十二等遍震是十三吼十四遍吼十五等遍吼是十六涌十七遍涌十八等遍涌是此中起覺即擊爆也又瑞應經太子生時有三十瑞相集解之止文內等云四口威中自稱等者悞興云即自唱尊号令物歸趣

也已問無上尊者爲指當得爲指現體答今文正指當得佛果然寶積云而自唱言於世功卅間最爲尊貴涅槃經云我於天人阿脩羅中最尊最上大論云天上天下唯我獨尊三界皆苦我當安之上此等諸文皆難定屬五歸仰文可知四童子相中示現等者示現六藝化迹非實故云示現言六藝者補注云御書數禮樂射悞興云筭計者數文者即書藝者禮樂射者射術御即御車法位全同博綜等博

者淨影云博謂廣博綜謂綜習仙道秘術無不溢學景興同之義寂云內外諸道異術也已上貴練等者淨影云貫謂貫通練是委練世俗異典名爲群藉景興同之義寂云治國圖書識記也已神仙秘方世俗異教極術盡群故云綜練問何時學藝答依普曜經太子七歲到於學堂有博士名毗奢密多此云見菩薩威迷悶此云選支友躰地都率天子名曰清淨牽手令起菩薩問師云有六十四書沒欲教何師聞未聞歡喜

捨憍即嘆菩薩無比之德西域記云七歲之後漸授五明大論一曰聲明釋詁訓字詮目詰流別二工巧明伎術機關陰陽曆數三醫方明禁咒關邪藥石針文四謂因明考定正邪研覈真僞五曰內明究暢五乘因果妙理已上十四卷之二補注名之內五明也外五明者前三同內四咒術明五符明也云五婢妻相中亦分爲二初明婢妻已前之事次現處下明納妻已後之事義寂引本起經云太子十七晝夜憂念

未曾歡娛，常念出家。父王問僕：「太子云何？」日憂怖時，一臣言：「太子已長，宜當娶娶以迴其心。」因擇名女，小國之王善覺有女，名曰裘夷。未曾有經亦云瞿夷，是今日也。輸今日瞿夷乃是天女故。天下無雙八國諸王爲子求之，父王聞已即召善覺而求裘夷。善覺荅言：「此女有母及諸群臣，國師梵志相議，宜啓善覺歸國，愁不飲食時。」女問父：「何故不樂？」父則荅云：「諸王求汝，我不許之，又白淨王今求汝，我若不與者？」

即罰我適與汝者，諸王結怨。女云：「勿憂我却。」七日自處城門用勝強者時，父白王：「王更憂念太子未練，云何得勝？」時女至門，術士雲集，余時太子即與難陀、難陀、調達等五百人取於禮樂射藝之具，而出城門時，先調達撲塞門。象象即忽死，難陀牽之置於道側，次又太子擲象城外，象蘿如故。又復調達與諸力士相撲，無對與難陀。決達多躰地，心神悶絕。王告難陀：「汝與太子而決勝負？」難陀荅白兄：「如

須弥自始芥子云何勝負拜謝而退又爲射  
決先安鐵鼓十里置一至于七鼓調達射之  
徹一中二次又難陀徹二貫三余時太子挽  
弓皆折即告僕曰祖王顏子有弓今在天廟  
汝可取來二人膝舉衆人不舉太子牽弓徹  
七鐵鼓至鐵圍山因妻裘夷取意略抄今日明佳夷也法華文句  
二云十二遊經出三夫人第一瞿夷二耶輸  
三鹿郢上爆興云八万四千歌舞娛樂令諸  
歌舞女發無上覺心上初前事中後園者爆興

云城外之苑也上講武樂者淨影云如本起  
說槃象勵力名爲講武共射金鼓說爲試藝  
同之法位懷興云講武者即勵力射鼓也試藝者  
即試書運籌也上次後事中現麁等者雖納  
妻娛化迹非實故云現麁色謂女色味謂愛  
味六出家相中亦分爲三初明出家因次棄  
國下明出家相三端坐下明用邪道惄而言  
之太子居宮未甘五欲常欲棄捨靜修道業  
濟度衆生即將官屬始出東門見於老人頭

白齒落皮緩面跛惡露自出坐卧其上太子  
見已憂愁還宮次出南門亦見病人身瘦體  
黃九孔敗漏不淨流溢見已還宮次出西門  
亦見死人室家啼哭曰何捨我太子見已憂  
悲還宮悟世非常此老病死須陀會天淨居天子  
所變作也次出北門見一沙門亦天所變法服持  
鉢行步安祥太子問曰出家何益比丘答言  
處於空閑修習聖道調伏諸根護念衆生不  
染世間永得解脫於是太子厭前三苦樂沙

已下寐竟

門行即還宮中四月七日捨欲出家至夜半  
後明星出時諸天塞空勸太子去余時袞夷  
見五惡夢謂須弥崩日月落地珠光忽滅頭  
髮隨地人糞我蓋太子聞之念此我事即告  
慰云須弥不崩乃至繖蓋今在不失汝自安  
眠莫以憂惄余時太子化諸宮殿悉爲塚墓  
變諸伎女皆成死人太子見已一切所有如  
幻如夢太子乞馬車匿不上太子爲匿即說  
偈曰今我不樂世車匿莫贊留使吾本願成

除汝三世苦於是車匿悲泣牽馬太子乘馬即踰都城行四百八十里至阿那摩國下馬脫衣寶冠瓔珞悉與車匿令還王宮<sub>已興下意</sub>王宮<sub>中摩</sub>尼還奉大王脫身瓔珞奉惱曇弥餘嚴身具與耶輸多羅爲斷愛別之愁苦也欲即剃髮創卒無具帝釋與刀興云車匿與刀剃頭髮已投虛空中諸天受髮禮讚供養毗尼母論云瞿婆子王氣髮供養又漸進至摩竭提國餅沙王言仁居輪王何交林叢太子答曰吾觀衆行一切無常樂少

苦多吾今厭之將及本原王云太子志樂深妙必得佛道願先度我又淨居天化作獵師身著法衣太子語云汝所著者諸佛法服汝若與我我亦與汝於金縷縷衣獵師應請然襍本身還上梵天太子即值阿蘭伽蘭二仙而學於有漏定坐沙羅樹下日食一麻一米六年苦行依本起經宋興等釋問菩薩何時出王宮耶答異說不同長阿含云二月八日周書灌佛經云四月八日西域記云或云菩薩年十九

或曰二十五以吠舍佢月後半八日踰城出家當此三月八日或云至三月十五日亦是見別不須和會初出家因中老病死者問何無生苦答生雖是苦人皆愛樂不足厭境故不現也如憍興云生可欣故上問何故今經不說沙門答舉厭顯欣故不說耳次出家相中入山華者有云指鼻陀山此翻白華檀德山者昔須摩耶太子所居非是今日苦行處也云今謂普賢菩薩證明功德經云於檀

德山六年苦行大論中說尼連河邊五會讚云入雪山上不可偏說服乘者服謂著服著寶冠等乘謂騎乘騎白馬也法服者寶積經云被服袈裟六物圖云或名袈裟役染色或名道服或名出世服或名法衣上法服法衣名異義同問嘉祥云就獨師貨鹿皮衣上既云鹿皮可非袈裟答難知若是如彼不空羅索袈裟歟問何故服之答六物圖云十誦云以刀截故知是懶愧人衣華嚴云著袈裟者

捨離三毒記問大論云佛弟子住中道故著  
三衣外道裸形無恥住故見故白衣多貪重著常住  
見故令同外道習學邪教何不同彼裸形耶答  
爲成佛後欲破之故先學邪教心中不同故  
天著之剃除等者問觀佛經云我出家時天  
神捧去亦長丈三五寸量髮今父王欲看不父  
王自言唯然天尊樂見佛髮如來即以手伸  
其髮從尼拘樓陀精舍至父王宮如紺瑠璃  
繞城七而乃至現是相已鍛髮至乃即成螺文涙

華經云生七日已又示剃髮諸人皆謂我是  
嬰兒乃始剃髮一切人天至無有能見我頂  
相者况有持刀臨之剃髮慧上菩薩經同之此等諸  
文無有剃髮今何云剃荅釋迦譜引普曜經  
云以劍自剃髮作是言願共一切除斷煩惱  
已五分律云菩薩出家至頂摩那樹下有剃  
髮師求令除髮比是與今同但涅槃說生天  
乃至剃髮等相皆是示觀隨緣示現不可定  
量觀佛亦尔故云現相何云一向不剃髮耶

神力  
今見

如毗尼母論云佛在王舍城佛髮已長有優婆離童子共父母來到佛所白佛剃髮時瞿曇羅王子是佛髮還國供養已成道之後猶有剃髮出家之初何不除髮問若尔可見佛頂何有無見頂相答如群疑論第六云問上所引文或說自剃或云佗除豈不相違答西域記云取刀自斷其髮淨居天化剃髮人爲剃淨髮已今準此文以先自斷而云自剃然後令他剃除而已問諸佛成道皆剃髮耶答

多分剃髮少分不尔自在王經云天王如來及諸菩薩不著袈裟皆著自然淨妙天衣大論云如天王佛衣服儀容與白衣無異不須鉢食演秘云亦有佛不具八相如天王佛白衣成道故若以離俗爲出家即亦具上穢土成道剃髮爲本是故今云剃髮等也三同邪中端坐等者出家作法用樹下坐塚間坐等菩薩於此行有漏定慳興云此後行從邪也菩薩受王請頻波涉欲往尼連河王舍城邊

有一仙人摩羅羅子名烏特迦與七百弟子常說無想定至仙人所受彼說已於一靜處專精修學即得世間百千三昧義寂云於是菩薩坐沙羅樹下至諸天奉甘露一不肯受自擔食一麻一米以續精氣端坐六年問諸佛皆有六年苦行答有無不同今隨多分如大般若經云過去無量無數難思議劫有佛出世名為寶月乃至先無苦行及降魔事而證菩提又義寂云此苦行事一切諸佛未必

有之如彌勒即出家夜成道故無六年苦行故八相中有不別立今準釋迦嘆諸菩薩故云六年間普賢菩薩證明功德經云十九踰城捨國王位三十成道教化衆生惟無三昧同之大論云我年始十九出家學佛道成道以來已過五十歲上依此華說出家已後經十二年始成正覺又梵網云七歲出家三十成道上今何但云六年等耶答法華疏記云準雜寶藏經羅云是佛得道夜生以羅云六年

在胎若佛十九出家乃成二十四成道若三十成道乃成二十五出家不同見別不須和會上今經準之有云大論云悉達菩薩至夜半出家至謳樓禪羅國之中尼連禪河邊六年苦行是時波飯王愛念子故常遣使問我子得道否若病若死欲知消息使來白王菩薩有皮骨筋不連持取命甚微少若今日若明日不復久也王聞其言甚大愁念沒憂海我子既不作轉輪王又不得作佛至是時菩

薩棄苦行處食百味乳糴身體充滿於尼連禪水中洗浴已至菩提樹下坐金剛處而自捨言要不破此結跏趺坐成一切智不得一切智終不起也上案此論文更有樂行經六年也云今謂設有此義難會雜寶何況論文未云樂行六年者乎但補注引或解云十九出家後五年事仙人行樂行六年行苦行三十年成道比雖有此釋未知誠說行如所應者問爲指正道將邪道耶答異義不同淨影云

翻邪學知正道是其所應修學順而行之  
之同 懷興破云若余是文應屬成道如何自許  
位法  
是出家相<sub>乃</sub>至今即行如所應者簡虛設劬勞  
損也  
咸劣漂濶非方便行<sub>乃</sub>菩薩雖復修諸苦行  
即趣正行之方便故云如所應<sub>比</sub>今之所用  
興師義也七成道相中亦分爲五初明淨垢  
身次靈禽下明到道場三吉祥下明坐草座  
四奮大下明降伏魔五得微下正明正覺惄  
而言之苦行已竟於屍林下取破糞掃衣欲

代苦行衣爲洗掃衣又更求水時天化池帝  
釋化石<sub>方</sub>安於池中菩薩見已在石洗衣入  
池浴身有魔波旬令池岸高彼池邊有阿斯  
那樹樹神按枝令徑池上菩薩攀枝得昇池  
岸在彼樹下自納破衣時淨居天<sub>名無</sub>上於  
大衣<sub>僧加</sub><sub>梨衣</sub>菩薩著已入村乞食時善生女上  
於乳龕即擎乳鉢出於優盧頰羅聚落至尼  
連河置鉢岸上剃髮沐浴河龍奉座菩薩坐  
之食彼乳龕以鉢擲河河龍取鉢欲供養之

尔時釋天變金翅鳥奪鉢還宮立塔供養從  
尼連河至菩提樹五百青雀隨菩薩往亦有  
迦陵頻迦等鳥無量衆鳥出和雅音圍遶菩  
薩時帝釋天變刈草人在菩薩右掬草草第而  
立草色青紺如孔雀尾菩薩問名答曰吉祥  
聞作此念求利自他吉祥立前定證菩提念  
已乞草吉祥白言願先授吾菩提之記然後  
受草菩薩記已取其淨草遍敷樹下金剛座  
上向東坐草發大誓云我今若不得無上大

菩提寧可碎是身終不立此座云即放毫光  
照三千界時魔王夢宮殿黑闇魔有千子右  
面五百即歸菩薩左面五百專助魔王魔告  
諸子以何方便能摧滅彼右面中有有信者  
云設摧三千不可動於菩薩一毛左面中有  
百臂者云我有百臂即以一身發於百箭魔  
王勿恐魔告諸女往破淨行三女現形渴愛  
二名喜樂三名喜見出婆沙論而生妖言時菩薩說五欲不  
淨女不能破散華禮去時魔瞋恨四軍揮身

象

馬

告

菩薩

云

汝

以

微善

今

得

天報

我

多劫

行

今

可

得覺

如

是

告

已

以

手

指

地

地

神

即

出

吉

我

成

證

應

時

大

千

一

時

感

動

余

時

魔

衆

皆

悉

退

散

降

伏

魔

已

遊

入

四

禪

至

初

夜

分

發

天

眼

通

於

中

夜

分

得

宿

命

智

又

觀

緣

起

流

轉

還

滅

於

後

夜

分

明

星

出

時

成

無

上

覺

而

爲

諸

天

觀成佛瑞昇於虛空七多羅樹自稱成佛天喜雨華積至佛膝依本起經多羅樹七丈合五丈六寸也初淨身中五濁等者如淨影云一者命濁命報短促二衆生渴

人無善行三煩惱濁諸結增上四者見濁邪見熾燃五者劫濁飢饉疫病刀兵競起我土有此名五濁刹上此之五濁唯在南洲不通

餘州問諸佛出時爲局濁世若言局者依西城記拘留孫佛六萬歲出拘那四萬迦葉二

万若依賢劫經者拘留四万拘那三万迦葉二万又弥勒佛八萬時出然法華記云準悲

華經八萬至三万亦未有濁至二万歲爲五濁始記又義寂云人壽千歲已遷是名濁世

人無善行三煩惱濁諸結增上四者見濁邪見熾燃五者劫濁飢饉疫病刀兵競起我土有此名五濁刹上此之五濁唯在南洲不通餘州問諸佛出時爲局濁世若言局者依西城記拘留孫佛六萬歲出拘那四萬迦葉二

万若依賢劫經者拘留四万拘那三万迦葉二万又弥勒佛八萬時出然法華記云準悲華經八萬至三万亦未有濁至二万歲爲五濁始記又義寂云人壽千歲已遷是名濁世

半歲已上名非濁世乃至故文殊問經云云何  
名濁十歲衆生乃至千歲有長短故準此千  
歲已前非濁世也百歲已上佛出世已後不  
出故知百歲已上是濁增上依此等文拘留  
孫等非濁世出若不局者今經通舉一切菩  
薩成道時分而云五濁明知局濁答諸佛出  
世涉濁非濁故俱舍二品第五十八云從此州人壽八萬歲  
漸減乃至極壽百年於此中間諸佛出現上  
但此經者且準釋迦說八相義故云五濁應

佛儀式釋迦爲本故也問何故增劫及百歲  
後佛不出世答俱舍論云有情樂增難教厭  
故釋增五濁極增難可化故已上釋但長阿  
含八萬前出悲華經中百歲後出經論異說  
不須和會沐浴水流者問言水流者爲指池  
水爲指連河若連河者次下既云得攀出池  
釣鏃相連上即池也連河後事豈可先舉若  
言池者既云水流當知連河故寶積云浴尼  
連河行趣道場上答懷興云水流即尼連河

按枝即池岸樹前後互舉故說相逆次前後文別天按等者問本起經云樹神按枝今何云天<sup>上</sup>答憍興云神亦名天又五會讚云帝釋從空<sup>下</sup>按樹枝已若是帝釋現樹神歟二到場中靈禽等者淨影云此皆神鳥故曰靈禽<sup>上</sup>翼玉篇云敬也助也翹也憍興云翼亦從從者隨也<sup>上</sup>三坐草中吉祥等者淨影云初感吉祥而爲徵瑞經中亦名爲出世祥佛將成道感見此人而爲徵瑞知已定當成吉祥

果即以此人表已所成因果福祚<sup>略抄</sup>憍興云章亦顯也祚之阿反福也助也<sup>物韻</sup>佛樹者憍興云寄樹成覺故云佛樹已亦名菩提樹亦曰道場樹佛坐其下成菩提道故此樹正名畢鉢羅樹摩竭提國前正覺山之西南行十四五里有此樹也西域記云菩提樹塙正中有金剛座昔賢劫初成與大地俱起據三千大千界之中下據金輪上侵地際金剛所成周百餘步賢劫千佛坐之而入金剛定故

曰金剛座焉證聖道所亦曰道場大地震動  
獨無傾搖動也上次上丈云詣道場者指金剛座  
菩薩坐之故云而坐跏趺坐者如傳通記云

摩七光令知魔云魔羅此翻弊惡多愛欲故又名  
殺者害人善故然大小乘通說四魔理槃經  
中更加苦空等之四倒名爲八魔華嚴加業  
心善根三昧知識法智說爲十魔補注引之彼四  
魔中煩惱魔是生死因也天子魔則生死緣

邊陰魔死魔生死果也今此魔者天子魔也  
因果經云時第六天魔王宮殿自然動搖於  
躁是魔王心大懊惱精神踴擾聲味不御而自  
念言沙門瞿曇今在樹下捨於五欲端坐思  
惟不久當成正覺之道其道若成廣度一切  
越我境界已率官屬者如大論云是時魔王  
將十八億衆列菩薩所敢與菩薩決其得失  
已是欲恚害之境界也婆沙論云大德說曰  
菩薩昔居菩提樹下初夜魔女來相媚亂余

時菩薩暫起欲尋中夜魔軍忽來逼惱菩薩  
於彼暫起恚尋漸復歇薄復起害尋須臾覺  
察即入定令魔兵衆推敗墮落已依本起經

魔遣三女說偈頌曰

一奇盛年難可再  
世間五欲亦難求

菩薩聞已亦說偈曰  
我觀五欲多過患  
智者非應耽著此

仁雖端正美顏色  
對斯勝境可歡娛

由是煩惱失神通  
凡夫迷故生欲心

余時魔女散華周帀作禮而去又魔瞋恨牽  
諸魔軍如西域云誘亂不遂憂惶無賴集諸賴  
神衆齊整魔軍治兵整振旅將脅菩薩於是脅  
風雲飄注雷電晦冥縱火飛煙揚沙激石備  
矛楯之具極兵之具極矢之用菩薩於是入  
大慈定凡厥兵仗變爲蓮華魔軍怖駭奔馳  
退散上制以智力者問攝論云依止精進慧  
力能破滯魔依慈等持能破天魔上相違如  
何答夫論云菩薩智慧力故大破魔軍上互

說一邊以實言之定慧力耳又正觀記引大集經云斷集諦降煩惱魔知苦諦降陰魔修道諦降天魔證滅諦降死魔已今當第三問穢士教主皆降魔耶答若約天魔不必皆降故寶月佛無降魔事如上引<sub>大般若</sub>又義寂云又降魔事一切菩薩不必皆有如彌勒等無降魔事因宿世中行因有異余時代宜亦有差別故不同也已若約餘魔不可不降五正覺中得微妙法者惺興云無師自然修三十七菩

提分法證得無上正等菩提名大覺者上約因有師約果無師如止觀云大論云我行無師保經瑞王經云受荅於定光已即其義也問菩薩斷證其相如何答若依俱舍道樹已前斷下八地所有煩惱坐金剛座以無漏智三十四心斷於有頂九品見修大論不然輔行引大論云下地結使因時未斷至樹下時乃以九地思惑通名一九故云藏菩薩位同凡夫又云智論依餘部雖有編斷未名爲斷至菩提

樹但斷悲想八地俱得名爲無漏已問釋尊  
成道何月日耶答長阿含云二月八日灌佛  
經云四月八日夜半時也五大院出五說二  
說如前一云三月八日一云十五日一云八  
月八日也若準天台不同見別不須和會又  
寶法師會二四異如俱舍疏云八轉法輪相  
中亦分爲二初明天請法輪次佛下明應請  
起說初文中釋梵等者如大論云復次佛在  
人中生用大大法不須請而說佛雖有大悲

覺不待請欲斷外道謗故初要須請已既云  
初要當知後時不必由請無問自說經即是  
也問佛成道後經幾時節而說法耶答經論  
異說出曜方等大莊嚴經逕七七日因果法  
華同說三七大論中說五十七日四分律云  
六七日五分律云八七日毗婆沙云四月十  
二由經云一年有如是等諸部異說若依天  
台乃由見別不須和會若依寶師有多會通  
如俱舍疏云二起說中亦分爲二初略說化

物次光明下廣說化物初文亦二先身業化  
物次佛吼下口業化物初文中佛遊等者現  
佛威儀遊行化物次文亦三初句摠也謂諸  
聖教皆佛所吼菩薩用之爲物吼故次扣法  
下別也謂約諸喻而顯法故三常以下摠結  
初文可知次文中又有其八句若依淨影即配  
四法及四無礙謂彼蹤云扣法鼓者說聞慧  
法益衆生也嚴鼓誠兵說教誠人吹法螺者  
說思慧法利衆生也吹蠻應時說理應機執

證法  
法劍者說修慧法益衆生也劍能破裂修能  
剝結建法幢者演說證行證行高勝如幢上  
出後四是其四無礙智起說被物震法雷者  
法無礙智化衆生也天雷一動卉藝生牙法  
音一開闔道快踈曜法電者義無礙智益衆  
生也電光一發有物斯觀義言一宣說義悉  
見澍法雨者辟無礙智化衆生也以辟宣說  
如雲澍雨演法施者樂說無礙利衆生也隨  
人所樂宣說授與名演法施比前之三慧是

爲有漏第<sup>四</sup>，證行是無漏也。如須<sup>疏</sup>云：先因論教次有生得從生得後方有聞慧從聞慧後始起思慧。從思慧後始生修慧從修慧後起無漏慧。<sup>上</sup>問懶興破云：此亦不然。三慧皆覺證慧法故三慧所學亦無異故四辯所說亦即三慧法故<sup>上</sup>此破何救<sup>答</sup>此難一往再往不然約能詮教故能所三慧惑深別故前之四法是所說法後四無礙是能說智能所別故故無過矣。懶興自義云以義推之應言。

執法劍澍法雨扣法鼓震法雷建法幢曜法電吹法螺演法施乃一破惡進善對即初二也二開權顯實對即次二也三得智證真對即次二也四說法利生對即後二也八句之義有此脩環名爲法輪自既得果欲令衆生證聖真智破滅煩惱故亦云轉<sup>上</sup>此未理盡經文次第淺深亂故亦云義推難當實義故今案宗意不可必配三慧四對何者疏中但引五句除吹建曜故引文次第不違經故若

配闡等何不具引若存四對寧不上下只是  
爲顯法輪衆德用種種辭而已如嘉祥云扣  
鼓集衆趣善吹螺改惡爲善執劍生解斷結  
建幢降魔得勝震雷動無明非曜電能有照  
用澍雨澍沾衆生演法廣說四諦十二因緣  
華教略  
抄三結文可知二廣說中亦四初以身  
業伏魔令歸次擗裂下明以口業令離煩惱  
三入國下明以身業令生人善四欲宣下明  
以口業令離生死初文中光明等者全依淨

影及慄興意佛以光明揔攝魔界即令歸伏  
亦以動地動魔宮殿而令惶怖光動雖殊莫  
非身化經文交互得意應知慄興云憎修業  
反畏也二離惱中亦四初明破邪次嚴護下  
明通正三洗灌下結破邪四顯明下顯通正  
初文中擗裂等者教斷見惑故云邪見慄興  
云邪網者即邪法也諸見者即邪執也邪執  
必依邪法起故皆破之淨影同之又云擗古悉反  
亦裂也裂呂蘖反陸法言切韻云破也已上散

諸等者教斷思惑故云諸欲影興意云塵勞  
即是五欲之境欲慙即是愛欲之心依境愛  
超境<sub>空</sub><sub>方丈</sub>衆生故云塵勞貪深難越故以辭慙  
云諸苦所因貪欲爲本故今舉貪顯瞋癡慢  
次通正中嚴護等者涅槃妙果謂之法城定  
慧修因謂之法門如憍<sub>大</sub>興云法城者即智斷  
之果法門者即定慧之因果必殺賊故名城  
因能納德故云門嘆善故嚴止謗故護爲演  
故開令進故闡嘉祥義<sub>殊意同</sub>三結破邪中洗濯等

者指向斷惑寄辭以結見愛煩惱辭以垢汙  
空慧能斷辭如洗濯四結通正中顯明等者  
憍興云除邪顯正故云顯明超諸毀謗故云  
清白即嚴護法城也光廣也融通也廣通聖  
行故云光融佛法導化不絕故云宣流法化  
即開闡法門也摠而言之嚴法城故顯明護  
法城故清白開法門故光融闡法門故宣流  
已又嘉祥云顯明清白無相之解是無漏明  
光融佛法法華之教光廣融會明法華敎會

三歸一宣流正化者示汝等所行是菩薩道  
故云正化略抄三身業生善中分衛筆者淨影  
云胡言分衛此云乞食獲諸豐饍因乞得食  
憍興云梵云賓恭波陀此云乞食今言分衛  
訛也補注才士二抄云分衛此云搏隨言食隨在鉢中  
故也或云乞食分施僧尼衛護令其修習道  
業故云分衛是則分衛梵音此語皆通也已上  
貯功德者淨影云受用生福貯謂積也貯積  
廣總名貯功德現受物體故名爲示生世福

善如田生物故曰福田憍興同之顯要記引十住  
論云乞食有十利一者活食自屬不屬他故  
二施我食者令住三寶然後當受三常生慈  
心四順佛教五易滿易養六破憍慢七無見  
順相善根八見我乞食餘善人効我九不與  
男女少有諸事十次第乞生平樂心故比四  
口業離生死中亦二初明將記相次以諸下  
明演道教初文中放笑者即是起說之方便  
也如義寂云表發所說如欲說般若時毛孔

皆笑說楞伽時呀牙大笑隨其所宜現非一  
也上次文亦三初明救苦教次顯現下明入  
道教三授菩下明獲果教初文中三苦者苦  
苦壞苦行苦是也舉此三苦諸義自收苦諦  
廣通於三界故諸受亦合於三苦故告受即  
合受  
受舍行除此苦時生死自離次入道中顯現  
等者淨影云顯觀菩薩所發道意使人發心  
無量功德教人發行慳興同之言道意者即菩提  
心三獲果中授菩薩記者慳興云授菩薩記

法華十論  
者論云令得決定心故記者識也荊也授者  
與也聖說當果令識因利故云授記淨影大同如  
是說教皆口業能矣

無量壽經鈔卷第一

正安二年庚子七月十三日於華藏寺拭老眼  
清書之畢以此功德留贈後見信謗皆悉結  
往生緣矣

望西樓沙門了慧謹疏

卷四

佛教大學新藏

331024

